



U Gacku spaljeno 700 kilograma droge

Ministarstvo sigurnosti je uništilo marihuanu, amfetamine, heroin, kokain, sintetičke droge vrijedne sedam miliona KM

U pogonima Termoelektrane Gacko jučer je uništeno više od 700 kilograma droga, najviše marihuane, te amfetamina, heroína, kokaina i sintetičkih droga zaplijenjenih i oduzetih prilikom kriminalističkih istraga, javlja Anadoluja. Ulična vrijednost uništene droge procjenjuje se na oko sedam miliona KM.

- Oduzimanjem i uništavanjem opojnih droga smanjena je mogućnost da građani, a prevashodno najmlađa i najranjivija populacija dođe u dodir sa opojnim drogama, te na taj način je ispunjen i jedan od opštih ciljeva koji se nalazi u Državnoj strategiji nadzora nad opojnim drogama, sprečavanja i suzbijanja



zloupotrebe opojnih droga u BiH 2018-2023, saopćeno je iz Ministarstva sigurnosti BiH.

Komisija za uništavanje opojnih droga Vijeća ministara u posljednja tri mjeseca intenzivno je prikupljala i pripremala za uništavanje oduzetu drogu. Veliki doprinos u ovim aktivnostima dali su i pripadnici **SIPA**, te pripadnici Centra za forenzička ispitivanja i vještačenja Federalne uprave policije, a ostvarena je izuzetna saradnja sa rukovodstvom TE Gacko.